

**TRIDESET I ŠESTA SKUPŠTINA**  
**JP Elektroprivreda BiH d.d. – Sarajevo**  
**26.08.2015. godine**

**MATERIJAL ZA TAČKU 2. DNEVNOG REDA**

**NAZIV MATERIJALA:**

**Donošenje Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo**



Sarajevo, 04.08.2015.

**SKUPŠTINA DRUŠTVA**

**O B R A Z L O Ž E N J E**  
**prijedloga Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. - Sarajevo**

Pravni osnov za donošenje Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo, sadržan je u članovima 123. i 246. Zakona o privrednim društvima („Službene novine Federacije Bosne i Hercegovine“, broj: 23/99, 45/00, 2/02, 29/03, 68/05, 91/07, 84/08, 7/09, 63/10 i 75/13), članu 57. stav 1. tačka 7. Statuta Javnog preduzeća Elektroprivreda Bosne i Hercegovine d.d. – Sarajevo – prečišćeni tekst, broj: SD-1067/11-19/3b), od 09.03.2011. godine, broj: SD-28363/11-23/2, od 24.11.2011. godine i broj: SD-7863/12-25/2, od 20.04.2012. godine, kao i u članu 24. Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije Bosne i Hercegovine“, broj: 44/15).

Vlada Federacije Bosne i Hercegovine je, dana 04.07.2015. godine, donijela Uredbu o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine, kojom je van snage stavljena Uredba o vršenju ovlaštenja organa Federacije Bosne i Hercegovine u privrednim društvima sa učešćem državnog kapitala ("Službene novine Federacije BiH", br. 35/11 i 100/13) i Odluka o utvrđivanju liste privrednih društava u kojim ovlaštenja po osnovu učešća državnog kapitala vrše organi Federacije Bosne i Hercegovine ("Službene novine Federacije BiH", br. 35/11, 83/11, 17/12, 80/12, 55/14, 82/14, 101/14, 107/14 i 10/15). Navedena Uredba Vlade FBiH je stupila na snagu narednog dana od dana objavljivanja u „Službenim novinama FBiH“, tj. 11.06.2015. godine. Uz Uredbu je donesena i nova Lista privrednih društava u kojima Vlada Federacije vrši ovlaštenja na osnovu državnog kapitala iz nadležnosti Federacije Bosne i Hercegovine.

S obzirom da je članom 24. Uredbe propisano da su privredna društva iz Liste dužna uskladiti odredbe svojih statuta sa ovom uredbom u roku od 60 dana od dana stupanja na snagu ove uredbe, pristupilo se pripremi nacрта izmjena i dopuna odredaba Statuta JP Elektroprivreda BiH d.d. – Sarajevo koje se moraju uskladiti sa Uredbom.

Osnovna izmjena Uredbe u odnosu na dosadašnju tiče se procedure izbora Uprave Društva – Generalnog direktora i izvršnih direktora.

Naime, do stupanja na snagu predmetne Uredbe Nadzorni odbor Društva je, nakon okončanog postupka izbora kandidata, a na osnovu izvještaja Komisije za provođenje konkursa za izbor članova Uprave Društva, nadležnom federalnom ministarstvu dostavljao listu najuspješnijih kandidata, pri čemu je Nadzorni odbor imao i mogućnost obavljanja intervjuja sa kandidatima koji ispunjavaju uslove. Nadležno federalno ministarstvo je, nakon toga, predlagalo Vladi FBiH donošenje Odluke o davanju prethodne saglasnosti za imenovanje članova uprave.

Uredba koja je trenutno na snazi u članu 13. propisuje da nadležni organ (po Statutu Društva to je Nadzorni odbor) nakon okončanog postupka izbora kandidata sačinjava i dostavlja Vladi Federacije

DIREKCIJA

Wilsonovo šetalište 15, 71000 Sarajevo, BiH  
Tel: +387 33 75 10 00; Fax: +387 33 75 10 03  
www.elektroprivreda.ba

PODRUŽNICE

Hidroelektrane na Neretvi, Jablanica, J. Černija 1  
Termoelektrana «Kakanj», Kakanj, Čatići  
Termoelektrana «Tuzla», Tuzla, 21. aprila 4

Reg. broj: UF/1-392/04 Kantonalni sud Sarajevo  
Porezni broj: 4200225150005, PDV broj: 200225150005  
3389002208746755 - UniCredit Bank d.d.  
1610000005160023 - Raiffeisen bank d.d. BiH Sarajevo  
1011010000346520 - Privredna banka Sarajevo

«Elektrodistribucija», Bihać, Bosanska 25  
«Elektrodistribucija», Mostar, Adema Buća 34  
«Elektrodistribucija», Sarajevo, Zmaja od Bosne 49  
«Elektrodistribucija», Tuzla, Rudarska 38  
«Elektrodistribucija», Zenica, Safvet bega Bašagića 6



listu kandidata koji ispunjavaju tražene uslove i zapisnik koji sadrži sve aktivnosti i radnje obavljene od strane nadležnog organa, na izbor i nominiranje, nakon čega Vlada FBiH donosi Odluku o davanju prethodne saglasnosti za imenovanje članova uprave. Ne radi se, dakle, više o listi najuspješnijih kandidata, već o listi kandidata koji ispunjavaju uslove, te se ista više ne dostavlja nadležnom ministarstvu, nego direktno Vladi FBiH.

Sljedeća izmjena u odnosu na dosadašnju Uredbu odnosi se na izuzetke od provođenja postupka izbora članova Uprave Društva, tj. izuzetak se tiče roka do kojeg član Uprave koji je izabran mimo propisane procedure može obavljati svoju funkciju.

Naime, sada je članom 15. Uredbe propisano da bez provođenja postupka iz člana 13. ove uredbe (postupka izbora članova Uprave Društva) Vlada Federacije može donijeti Odluku o davanju prethodne saglasnosti nadležnom organu društva sa većinskim učešćem državnog kapitala za razrješenje dužnosti člana uprave i Odluku o davanju prethodne saglasnosti nadležnom organu tog privrednog društva za imenovanje vršioca dužnosti člana uprave **do okončanja konkursne procedure**, a najduže na vremenski period do šest mjeseci, počev od dana stupanja na snagu Odluke nadležnog organa društva. Uredba koja je ranije bila na snazi također je imala rok od 6 mjeseci, kao najduži period na koji mimo propisane procedure može biti imenovan član Uprave Društva, ali imenovanje nije vezivala za okončanje konkursne procedure, kao što je to slučaj u važećoj Uredbi.

U skladu sa naprijed navedenim pristupilo se izmjenama i dopunama članova 76., 77. i 86. Statuta JP Elektroprivreda BiH d.d. – Sarajevo, i to na način da se nisu mijenjali samo pojedini stavovi navedenih članova, već se odlučilo da se isti mijenju u cijelosti, kako bi se navedena materija nalazila na jednom mjestu.

Uprava Društva je utvrdeni nacrt Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo, dostavila Nadzornom odboru Društva, koji je na 59. sjednici održanoj dana 04.08.2015. godine utvrdio prijedlog Statuta o izmjenama i dopunama Statuta Javnog preduzeća Elektroprivreda Bosne i Hercegovine d.d. – Sarajevo i uputio Skupštini Društva na odlučivanje.

Prilog:

Prijedlog Statuta o izmjenama i dopunama Statuta  
JP Elektroprivreda Bosne i Hercegovine d.d. – Sarajevo.



Predsjednik  
Nadzornog odbora

dr. sci Enver Agić, dipl.ing.el.


DIREKCIJA	PODRUŽNICE
Vilsonovo šetalište 15, 71000 Sarajevo, BiH Tel: +387 33 75 10 00; Fax: +387 33 75 10 03 www.elektroprivreda.ba	Hidroelektrane na Neretvi, Jablanica, J. Černija 1 Termoelektrana «Kakanj», Kakanj, Catići Termoelektrana «Tuzla», Tuzla, 21. aprila 4
Reg. broj: UF/I-392/04 Kantonalni sud Sarajevo Porezni broj: 4200225150005, PDV broj: 200225150005 3389002208746755 - UniCredit Bank d.d. 1610000005160023 - Raiffeisen bank d.d. BiH Sarajevo 1011010000346520 - Privredna banka Sarajevo	«Elektrodistribucija», Bihać, Bosanska 25 «Elektrodistribucija», Mostar, Adema Buća 34 «Elektrodistribucija», Sarajevo, Zmaja od Bosne 49 «Elektrodistribucija», Tuzla, Rudarska 38 «Elektrodistribucija», Zenica, Safvet bega Bašagića 6



**PRIJEDLOG**

**Statuta o izmjenama i dopunama Statuta**  
koga Skupštini Društva u niže izloženom tekstu radi  
usvajanja upućuje:

**Nadzorni odbor**  
JP Elektroprivreda BiH d.d. - Sarajevo  
Predsjednik

  
dr. sci. Enver Agić, dipl.ing.el.  
04/08.2015. godine

**STATUT**  
**o izmjenama i dopunama Statuta Javnog preduzeća**  
**Elektroprivreda Bosne i Hercegovine d.d. - Sarajevo**

avgust 2015. godine



Na osnovu članova 123. i 246. Zakona o privrednim društvima („Službene novine Federacije Bosne i Hercegovine“, broj: 23/99, 45/00, 2/02, 29/03, 68/05, 91/07, 84/08, 7/09, 63/10 i 75/13) i člana 57. stav 1. tačka 7. Statuta Javnog preduzeća Elektroprivreda Bosne i Hercegovine d.d. – Sarajevo – prečišćeni tekst, broj: SD-1067/11-19/3b), od 09.03.2011. godine, broj: SD-28363/11-23/2, od 24.11.2011. godine i broj: SD-7863/12-25/2, od 20.04.2012. godine, a u vezi sa članom 24. Uredbe o vršenju ovlaštenja u privrednim društvima sa učešćem državnog kapitala iz nadležnosti Federacije Bosne i Hercegovine („Službene novine Federacije Bosne i Hercegovine“, broj: 44/15), Trideset i šesta Skupština Javnog preduzeća Elektroprivreda Bosne i Hercegovine d.d. – Sarajevo, održana dana \_\_\_\_\_. godine donosi

## Statut o izmjenama i dopunama Statuta Javnog preduzeća Elektroprivreda Bosne i Hercegovine d.d. - Sarajevo

### Član 1.

Član 76. Statuta Javnog preduzeća Elektroprivreda Bosne i Hercegovine d.d. – Sarajevo – prečišćeni tekst, broj: SD-1067/11-19/3b), od 09.03.2011. godine, broj: SD-28363/11-23/2, od 24.11.2011. godine i broj: SD-7863/12-25/2, od 20.04.2012. godine mijenja se i glasi:

#### “Član 76.

*„Postupak izbora kandidata za članove Uprave - Generalnog direktora i izvršne direktore provodi Nadzorni odbor na osnovu javnog konkursa iz reda kandidata koji po menadžerskim znanjima i iskustvu najbolje odgovaraju za izvršenje operativnih i poslovnih potreba Društva.*

*Nadzorni odbor donosi odluku o imenovanju Komisije za provođenje konkursa za izbor članova Uprave - Generalnog direktora i izvršnih direktora kojom utvrđuje sastav i način rada Komisije.*

*Komisija iz stava 2. ovog člana vrši postupak provjere blagovremenosti i potpunosti dostavljene dokumentacije, ispunjavanja propisanih uslova, te druge pripremne aktivnosti za izbor kandidata za članove Uprave - Generalnog direktora i izvršne direktore, predviđene odlukom iz stava 2. ovog člana, te dostavlja izvještaj o provedenim aktivnostima Nadzornom odboru.*

*Nadzorni odbor na osnovu izvještaja Komisije iz stava 3. ovog člana utvrđuje listu kandidata koji ispunjavaju propisane uslove za članove Uprave - Generalnog direktora i izvršne direktore.*

*Nadzorni odbor listu kandidata koji ispunjavaju propisane uslove za članove Uprave - Generalnog direktora i izvršne direktore, zajedno sa zapisnikom koji sadrži sve aktivnosti i radnje obavljene od strane Komisije iz stava 2. ovog člana, dostavlja na izbor i nominovanje u skladu sa aktom Vlade Federacije Bosne i Hercegovine.*

*Na osnovu liste kandidata iz stava 5. ovog člana, Vlada Federacije Bosne i Hercegovine donosi Odluku o davanju prethodne saglasnosti Nadzornom odboru za imenovanje članova Uprave.*

*Nadzorni odbor imenuje članove Uprave - Generalnog direktora i izvršne direktore za koje je data prethodna saglasnost iz stava 6. ovog člana.*

*Ukoliko kandidati za članove Uprave - Generalnog direktora i izvršne direktore, svi ili pojedinačno, ne dobiju prethodnu saglasnost, Nadzorni odbor će:*

- 1. raspisati javni konkurs za izbor članova Uprave za koje nije dobijena saglasnost i ponovo provesti postupak propisan ovim članom i*
- 2. imenovati vršioca dužnosti Generalnog direktora, odnosno izvršnog direktora u skladu sa članom 86. ovog Statuta.“*

## **Član 2.**

Član 77. mijenja se i glasi:

„Član 77

*Za Generalnog direktora i izvršne direktore može biti imenovano lice koje ispunjava slijedeće uslove:*

- a) da ima visoku stručnu spremu, tehničke ili ekonomske ili pravne struke i*
- b) da ima iskustvo i stručnost u oblastima od značaja za rad i poslovanje Društva.*

*Konkretni uslovi za članove Uprave utvrdit će se Pravilnikom o organizaciji Društva.*

*Za Generalnog direktora i izvršne direktore ne može biti imenovano lice ako obavlja funkciju koja je nespojiva sa funkcijom Generalnog direktora i izvršnih direktora ili ako vrši funkciju u političkim strankama.*

*Mandat članovima Uprave je četiri godine, i na istu funkciju mogu biti ponovo birani.*

*Mandat Generalnog direktora i ostalih članova Uprave-izvršnih direktora počinje teći istovremeno, što će se konstatovati posebnim aktom Nadzornog odbora Društva.*

*Izuzetno, u slučaju iz stava 8. prethodnog člana izbor se vrši do kraja mandata Uprave konstatovanog posebnim aktom iz stava 5. ovog člana.*

*Članovima Uprave - Generalnom direktoru i izvršnim direktorima koji su imenovani umjesto razrješenog člana Uprave, u slučaju kada se ne razrješava cijela Uprava, mandat traje do isteka mandata članova Uprave koji su imenovani prilikom imenovanja cijele Uprave, a nisu razrješeni.*

*Položaj, ovlaštenja, prava i odgovornosti Generalnog direktora uređuje se ugovorom između Nadzornog odbora i Generalnog direktora u skladu sa odredbama ovog Statuta.*

*Položaj, ovlaštenja, prava i odgovornosti izvršnih direktora uređuje se, u skladu sa odredbama ovog Statuta, ugovorom između Generalnog direktora i izvršnih direktora uz prethodno odobrenje nadzornog odbora.“*





### Član 3.

Član 86. mijenja se i glasi:

#### „Član 86.

*Izuzetno, bez provođenja postupka iz člana 76. ovog Statuta Nadzorni odbor može imenovati vršioca dužnosti člana Uprave do okončanja konkursne procedure, a najduže na vremenski period do šest mjeseci, počev od dana stupanja na snagu Odluke o imenovanju.*

*Za imenovanje vršioca dužnost člana Uprave potrebna je prethodna saglasnost u skladu sa aktom Vlade Federacije BiH.“*

### Član 4.

Ovaj Statut stupa na snagu osmog dana od dana objavljivanja na oglasnoj ploči Društva.

Broj: SD - /15  
Sarajevo, . .2015. godine

Predsjednik  
Skupštine Društva